

ادبیات عمومی و سیاسی

هفته‌لق سیاسی، علمی و ادبی غزته‌در

جلد : ۲

سنه : ۲ - ۸ صفر ۱۳۳۹ هجری ايرتسی ۲۴ تشرین ثانی ۱۹۱۷ نو و ۱۳ - ۴۳

اجمال فکر

قوه کج ملی یازی — سر لوحه‌ضری کوروب ده بزوی ده « اصلاح حروف » ایله چالیشانلردن ویکی برشکلده یکی بریازی ایجاد ایدهلردن ظن ایتیه‌کنر . فی الواقع بردن بره اویله بر فکره ذاهب اولسه‌کنر حقکنر درکاردر . الیوم قولاندیغمن عرب حروفی تورکجه‌یی یازوب اوقومغه غیر مساعد اولدیغندن طوتدیریلهرق ، املاضک اصلاحی کبی ، حروفضک اصلاحنه‌ده تشبث ایدلمش ، حتی برده ، بیلم قاج سنه مقدم ، « اصلاح حروف جمعیتی » نامیله بر جمعیت تشکیل اولونمشدی . بوجعیتک مساعیسنه بر نتیجه ویروب ویره‌مه‌دیکنه واقف دکاز . شونی بیلورزکه اصلاح حروفخیلر بر قاج طبقه وزمه‌یه آیریلیور . بونلرک مختلف سنی واجتهادلرینک متنوع محصوللرینی کوردک . بعضلری جزئی تبدلاتله موجود حروفی قولانلق ، بعضلری ینه حروف حاضرهدن مقتبس منفصل ومنفرد حرفلر ایجاد ایتک صورتیله غایه‌یه وارمق ایسته‌بورلردی .

حرفخیلر آراسنده بالنسبه اک شایان قبول و معقول دوشونلر ، شبه‌سزکه ، آنجق موجود حرفلرده تعدیلات جزئیله طرفداری اولانلردر . قارئلریمزه بوزمه‌یه منسوب ، دیون جموعیه اوستریالی داینلر وکیلی موسیو (پاول فون یانقو) بی تقدیم ایدهرز . مالیوندن اولان بو ذات - اطلاعزه نظراً - تورکجه‌ضری ایلده توغل ایتمش ، تورکجه یازینک اصلاحی ایچون برخیلی تدقیقات وتبعاتده بولونمشدر . بوخصوصه دائر تنظیم ایتدیکي اثر دردست طبع وتمشیلدر . وقریباً آلمانجه اولارق (لایپسیخ) موزه‌سی مدیری دوقتور (شرام) طرفندن لایپسیخده طبع ایدلمکده اولان (آزه‌یوفور شریفقونده) نامنده کی رساله‌ایله میدان انتشاره وضع ایدیلجه‌جکدر . اثرک آیریجه تورکجه نسخه‌سی ده نشر اولونوب بوبابده بیان فکر ایدیله‌بیلمه‌سی ایچون صلاحیتدار ذواته ومحافله تقدیم اولوناجقدر .

دوقتور فون (یانقو) تعدیلات جزئیله اجرا ایتدیکي ، یازی‌یه « تورکجه ملی یازی » عنوانی ویریور . مومی‌ایله هرشیدن اول بوکونکی یازیمزه طرفداردر . « تورکجه یازی » اشکال تحریراعتباریله

اساس، اسباب متنوعه به مبنی او حکومتله برابر قرین زوال اولسه بیه جمعیتک بتون عناصر ناظمه سی عینی زمانده محو اولمقدن اوزا قدره.

بر عصری متجاوز زماندبری توالی ایدن تذبذبله عطف نظر و صرف بو نقطه دن محاکمه ایدلسه، فرانسه نك بیوک بر آنارشی ایچنده یو وارلاندیغنه حکم اولنه بیلیر. حالبوکه حیات اقتصادی، صناعیه و سیاسیه سنده بیه بالمکس بو قارشیقلقلر و تحولات اداریه دن بستمون وارسته بر نوع اتصال و خاصه دوام ظاهر اولمقده در. بونک سببه کلنجه:

تاریخک مشغول اولدیغی وقایع عظیمه دن بشقه، کتابلرده موضوع بحث اولیان حیات روزمره نك غیر منتظر الجا آتیه تابع وقایعی ده وارد در. ایشته بو وقایعک هیئت مجموعه سی، بر ملتک حیات حقیقه سنی تشکیل ایدر.

وقایع عظیمه تدقیق و محاکمه ایدلنجه، فرانسه نك اعتباری حکومتک بر عصر دبری ایکیده برده دکیشدیکنه حکم اولمقده ایسه ده هر کونکی وقوعاتک تدقیق، اصل حکومتک پک آز تحولاته دوچار اولدیغنی اثبات ایتمکده در.

شو حالده بر قومک حقیقی سائقلری کیملردر؟ حکمداران و وکلای دولت هر حالده مهم احوالده ملل واقوامه رهبر اولیورلر ایسه ده، حیات روزمره یی تشکیل ایدن اهمیتلر احوالده بونلرک رولی هیچ مثابه سنده در. بر مملکتی اداره ایدن حقیقی قوتلر، تحولاتدن قطعاً متأثر اولیان و غیر شخصی عناصردن ترکیب ایدن اداره لردر. بو دوائر محافظ عنعنات اولدقلرندن زمانه حاکم، و، کوزه چارپه جق بر صورتده، قوای سائرده دن دهها زیاده حائر نفوذدرلر. ایلروده ایضاح ایده جکمز وجهله، بو تأثیر و قوت، حکومت رسمیه نك حاکمیتی کولکده برافه جق بر درجه یی بولمشد. فرانسه، تدریجی بر صورتده قلم مدیر و مأمورلری معرفتیه اداره اولمق یولنی طوتمشدر. تاریخ اختلالات تتبع ایدلنجه کوریلورکه بونلرک استلزام ایتدکلری تحولات پک سطحی در. اختلال قولای، فقط بر قومک روحنی دکیشدیرمک پک کوچدر. دعوی وکیلی معلم کریدی

اصغر ساقی

نمسه و مجار

روما زماننده نمسه الکاسی [پانونیا] ایالتی تشکیل ایدردی که بورانک مقری [ویندوبووا] در. بو شهر بالاخره ویانه اولمشدر. اسکی ترک تاریخلرنده ویانه یه [بیچ] دیرلرکه بو، اسلاوجه برلفظدر. مهاجرت عمومی اثناسنده [واندال] لر، [سوئو] لر، [هه رول] لر، [غوط] لر، [گه پید] لر، [لومبارد] لر، [آوار] لر بو قطعه یه یرلشمش ایسه لرده سکزنجی عصر میلادیده [شارلمانی] آوارلری [راآب] نهرینک او بر یقه سنه اجلا ایدرک [أنس] Ens ایله [راآب] Raab آرهنده Marchia Orientalis ویا Avstria ولایتی تشکیل ایتمشدر. [مارکیا اوریئنتالیس] «شرق حکومتی» معناسنه در. آوستریا ویا آلمان تلفظی ایله [اوسته رزایچ] Oesterreich ده شرق حکومتی دیمکدر. بوقطعه یی [شارلمانی]، [باویه را] دن کتیرتدیکی افراد ایله طولیدر مشدر. او ائناده [سالجبورغ] - طوز حصاری - Salzburg ايسه پوسی ده یکی ایالتک امور دینه سنی تنظیمه

مأمورایدیشدر. ۸۴۳ [وهژدون] Verdun معاهده سندن اعتباراً آوستریا ویا [آواریا] Avaria
 آلمانیاك ولایت حدودیه سنی تشکیل ایدر. مجارلر ۹۰۰ تاریخنده کاملاً آوستریایی آله کچیره ورك
 تام الی بش سنه بومملکتده حاکم اولمشدر. ۹۸۳ ده آلمانیا ایمپراطوری الکایی استرداد ایله
 اوریاه [بابنبرغ] Babenberg قونتنی برنجی [له اوپوله] نامیله مارغراو تعیین ایتشد. Ostirrichi
 و Oesterreich عنوانی مومی الیهك اوغلی برنجی هانری زماندن بری مستعملدر. نمسه ویا نمچه
 کله لری ایسه اسلاو جه دن ترکیه یه کچمشدر. ایمپراطوری [قونراد فون هوهنشتاوفن] عصرنده
 [باویه را] ، [ساقسونیا] دوقه سندن نزع ایله آوستریا مارغراولغنه ویرلشد. ۱۱۵۶ ده ،
 [ره کانسبورغ] فرانسه جه سی Ratisbonne ده ایمپراطور [فرهدریق بارباروس] آوستریا مارغراوینه
 دوقه لق عنوانیله Ens [انس] ك یوقاری و آشاغی جهتلرنده کی [مارش - مارکیا] لری تفویض
 ایتهدر. [بو اراضی شیمدیکی یوقاری و آشاغی آوستریادر.] بوقه ایله آوستریا خاندان و حکومتی
 اهمیت کسب ایدیور. نوغما مستقل اولیور. ۱۱۴۲ ده [هانری یازومیرغوت] Jasomirgott اهل
 صلیب محاربه لرینه اشتراك ایدیور. ۱۱۹۴ ده [شتیریا] Styria آوستریایه منضم اولیور .

ایکنجی فرهدریق (۱۲۳۰) ایله [بابنبرغ] خاندانی منطقی اولدی . ۱۲۴۶ دن ۱۲۸۲ یه
 قدر آوستریاده فاصله سلطنت وقوع بولمشدر. بواشاده آوستریا آلمانیا ایمپراطوری قائمقامی و بالاخره
 [باد] لی مارغراو [هرمان] طرفندن اداره ایدلشد . [رودولف] ك جلوسیله [هابسبورغ
 آلمانجه Habiz-burg] کله لرندن مشتق اولوب لغوی معناسی « آق بابا اینی » در.] بواشاده برچوق
 ایالات آوستریا تاجنه التحاق ایتشد . بو دورده خاندان ارکانك منافستلری و غوغالری بك زیاده
 آزدیغندن آوستریا تاریخی مظلومه بر ماهیت آلیر . اوچنجی [آلبرت] و اوچنجی [له اوپوله]
 زمانده خاندان [آوستریا] و [شتیریا] عنوانلری ایله ایکی یه بولونمشدر. بولردن برنجیسی ۱۴۵۷ ده
 سوندیکندن بتون الکالری [شتیریا] خاندانه کچمشدر . بشنجی [آلبرت] ، [بوهمیا]
 و [مارستان] تاجلرینی ده احراز ایتدیکندن [هابسبورغ] خاندانی رئیس [۱۴۱۱] ایمپراطور
 یاد ایدیه کلددر . اوچنجی [فرهدریق] ۱۴۵۷ ده آوستریا دوقه لغنی آرشیدوقلغه [ارچ
 هرچوغ] اصعاد ایله یکانه اوغلی [ماقسیمیلیان] ده [بورغونیا] دوقه سنك قیزی آلدشدر .
 [ماقسیمیلیان] ۱۴۷۷ ده قاش پدرینك میراثنه قونمشدر . آچاق مملکتلر [فلهنك و بلچیکا] ایله
 [فرانک - قونته] بومیانده ایدی . [باویه را] یه عائد [تیرویل] ده او ائشاده آوستریایه منتقل
 اولشد . [ماقسیمیلیان] ك اوغلی [فیلیپ] ك اسپانیا قرال و قرالیچه سی . [فردیناند] و [ایزابه للا] نك
 قیزی مجنونه [ژان] ایله ازدواجی ثمره سی اوله رق بتون اسپانیا ایله واسع مستعمراتی [ناپولی] ،
 [سیچیلیا] ، [سارده نیا] ، الح ، آوستریایه ملتحق اولشد . ۱۵۳۹ ده (شارل کهن) - کهن
 بشنجی دیگدر - بو دهشاش ایمپراطورلغه (میلانو) قطعه سنی ده ضم ایتشد . فقط بویله بیوک
 بر ایمپراطورلغك محافظه و اداره سی امکان خارجنده اولدیغندن تفصیلاتی کتب تواریخده کورولدیکی
 اوزره (شارل) ، حکومتك آلمان اقسامی قرداشی برنجی (فردیناند) ده ۱۵۵۶ ده فراغ
 ایتمش و مشارالیه ده آلمانیا - آوستریا ایمپراطوری اولشد . او آراق آوستریا اراضیسندن بر
 مقداری یه عائله منازعاتندن طولای منفك اولش ایسه ده (فردیناند) مجار قرالی ایکنجی
 [لوئی] نك قیزی آلدیغندن مجارستان ، [بوهمیا] ، [موراویا] ، [سیله زیا] و [لوزاس]
 آوستریایه التحاق ایتمش و ایمپراطورلق یه بویومشد . (بو دور عهد قانونی یه تصادف ایدر .

تفصیلات تقویمیه سی آتیده ویریله جکدر . (۱۶۱۸ - ۱۶۴۸) اوتوز سنه محاربه سنده [لوزاس] و [آلزاس] اوستریادن آیرلشدر. فقط [خرواتلق] و اردل [ترانسیلوانیا] اوستریایه ویریلکله ینه موازنه تقرر ایتشدر .

۱۷۱۱ [اوترهخت] ، ۱۷۱۴ [راشتاد] معاهده لریله اوستریا خاندانی اسپانیا اوزرنده کی حقوقدن فراغت ایدیور . فقط بوکا مقابل آلتنجی [شارل] (براغماتیقاسانقیون) ایله ممالکنک کریعه سی [ماریا تهرهزا] یه کچه جکنی بتون حکمدارانده تصدیق ایتدیریور ، [ماریا - تهرهزا] ، [لورهن] دوقی [فرانسوا] ایله تأهل ایتشدر . بوندن صکره آل هابسبورغ ک منطقنی اولسی لازم کلیر ایسه ده حالا اوستریا خاندانی [هابسبورغ - لورهن] دیه تسمیه اولونمقده در .

معاهده ، ایمپراطورک وفاتنده ، پروسیا قرالی بیوک [فره دریقی] ک امضاسنی محتوی اولدینی حالده ، بو مشهور حکمدار طرفندن بعضی اسباب درمیانیله طاننامش و [سیله زیا] اوستریادن نزع ایدلشدر . بو وقایع اوزرینه اوستریا در دست انقراض ایکن [آ آخن] Aachen - فرانسزجه سی Aix-la-Chapelle (۱۷۴۸) معاهده سی امداده یتشمش ، [ماریا - تهرهزا] قورنولش ویدی سنه محاربه سنک صوکنده [سیله زیا] بی پروسیایه ترک ایتشدر (۱۷۶۳) . بوکا عوض اولقی اوزره اوستریا لهستانک ایلاک مقاسمه سنه (۱۷۷۲) تشریک ایدیله رک [غالیچیا] و [ولودومیریا] بی آلمشدر . ایکنجی [یوسف] (۱۷۶۵) دورنده اوستریاده اصلاحاته تشبث ایدلش ایسه ده زادکان ورهبان یکی تنسیقاتی عقیم براقغه پک چوق غیرت ایتشلردر . ایکنجی [له توپولد] (۱۷۹۰) عهدنده پروسیا ایله [پیلنیچ] Pilnitz معاهده سی عقد ایدلش و بوندن فرانسز محاربه سی ظهور ایتشدر . یکریمی بش سنه سورن بوخونین محاربه ده اوستریا برچوق ایالتنی الندن قاچیرمشدر . بونکله برابر ۱۸۱۵ معاهده لری ایله اوستریا تکرار قوت واهمیت کسب ایتشدر . بو ویانه معاهده لرندن صکره مطلقیت اداره صوک شدتیله حکمفرما اولشدر . مشهور باش وکیل پرنس [مه تهرنیخ] اوئاناده اوستریایی بیوک برشیمه انضباط و تجبرله اداره ایدرک تاج و تختک تقویه سنه همت ایتشدر . ایکنجی [فرانسوا] ایله برنجی [فردیناند] زماننده حریت ، صوک درجه ده مغدور اولمشدی . یکی واحرارانه فکر بسلیانلر اک آغیر جزالره دونچار اولورلردی . بوندن ده مقصد اقصا مختلف عناصرک بالآخره [هابسبورغ] خاندانی تهلکه ده براقه جق بر صورتده ترقی ایتمه لری ایدی . مجارستان اوئاناده اداره بیوک تضییقلر کوردی . لاتین عناصر اعتسافزده اولدی . ۱۸۴۸ اختلالنه قدر سورن بو استبداد بتون اقوام وملای رنجیده ایتش و یورمشدر . مجارلر ولایتلرک قیامی اوزرینه بیوک بر تضییق حس ایدن ایمپراطور حقوق حریه و بر قانون اساسی وعد ایتشدر . بو کورولتیلر آره سنده ایمپراطور [فردیناند] سلطنتی یکنی آرشیدوق [فرانسوا - ژوزف] ه فراغت ایله ایشک ایچندن چکلمشدر . بو حکمدار مجار رجالنک اختلافندن و روسیه نك معاونت مسلحه سندن استفاده ایله تهلکه بی برطرف ایتشدر . ۱۸۴۸ ده بخش اولونان قانون اساسی تطبیق اولونمده دن ۱۸۵۱ ده کری آلمشدر . سوء اداره ، محاربات ایچون هر دقیقه اموال اهالی یه صراجعت نتیجه سی مختل اولان انتظام ، یهودی و پروتستانلره قارشى ایدیلن معاملات ترهیبیه ۱۸۵۹ ده [ساردنیا] نك متفق اولان فرانسه ایله محاربه یه منجر اولدی و اوستریا [ماجه نتا] ، [مونتبه لالو] ، [مارینیان] ، [سولفرینو]

هزیمت‌لرینی کوردی . صوك كونا لرده . [لومباردو - ونديك] آلدن كيتدی . [صادوا] هزیمتی اولا
 آوستریانك جرمانیا قونفده راسیونندن خروجنه ، بعده پروسیانك آلمانیاك رأس کارینه کچمسنه
 بادی اولدی . بعده برلین قونفره سیله ۱۸۷۸ ده نمنه بوسنه - هرسکی اشغال و مذکور ایالتلری
 ۱۹۰۸ ده الحاق ایتدی .

[« کندی نقطه نظرمدن حقوق دول » عنوانلی کتابده (ص ۴۴) آوستریانك عناصر
 مرکبه سنه ، تشکیلات اساسیه سنه ، بوسنه - هرسکه و عناصر پولتیقه سنه دائر بر مقاله تاریخیه
 مندرجدر .]

مابعدی وار

مبطل نوری

هفته لقی تاریخ عرب و سیاست

عریضه جوبایه لر - انجمنی مملکتیلمزك حال - هر به دایر مغیبه

ارقام - هر به لرده عریضه

مبعوثان و اعیان مجلسلریمز ، کچن هفته ، ایلاک استحضارات معتاده بی متعاقب ، مذاکراته
 باشلادیلر . نطق افتتاحی پادشاهی به قارشی احضار اولونان عریضه جوبایه لر خاکی پای شاهانه به تقدیم
 ایدلدی . بو عریضه لرده ، اصولدن اولدیغی اوزره ، نطق افتتاحیده موضوع بحث مسائله تماس ایدر
 مناسب جوابلر ویرلکده در . مجلس مبعوثانجه « انسانیت اینچون مثلی کوروله مش بر فلاکت اولان »
 شو حریده موجودیت و استقلاللرک مطلبی و قطعی صورتده محفوظیتی شرطیه صلیحه آماده اولدیغمز
 کی حقوق مشروعیه هر تسلیم ایدیلنجه به قدرده جنکه دوام ایده جنکمز بیان ایدلکدن صوکره ،
 تزید استحصالاته و مملکتک آتی اقتصادیه احضاره معطوف تدابیر و تشویقاتک مجلسجه ده هرت
 و افتخارله قارشیلانجه جنی و تودیع ایدیلرک قانون لایحه لرینک اتحاد و وفاق دائره سنده تذکر
 ایدیلرک در میان اولونمده در . مجلس اعیانک جوابنده ده هان هان عین مسائل عین نقاط نظر دن
 ذکر ایدلش و آیریجه « حالا » و اولاً یاپیله جتی شی معیشتک تهوینی اسبابی استکمال اولدیغندن
 هیئتک بو دقیقه معتنا بها حقنده بالخاصه قوه اجرائیه نک نظر دقتی جلب ایتدیکی « اتیان قلنمشدر .
 فی الحقیقه مجلس مبعوثانک کچن اجتماعنده ، مأمورین معاشاته عائد ضمائک کفایتلرلکنندن بحث
 ایدیلرک مأمورینک آچلقدن اوله مک اینچون تهوین ضرورتلری چاره سنه باقیلماشندن بحث ایدلش ،
 بر جوق مبعوثلرک سوزلرینه قارشی ، صدر اعظم پاشاده غلای حاضرک درجه خارق العاده سنه نظراً
 معاشاته اجرا قلنه جق ضمائدن ایسه مأمورینه ارزاق توزیعی صرح اوله جتی و بوکا غیرت ایدلرکینی